

R22
46

中國醫學叢談

趙起超編



中醫	5
	090

中國醫學叢談

趙起超編



南京中医药大学图书馆版权所有

趙 起 超 近 影



中國醫學叢譚序

余自弱冠。家嚴欲以醫學課讀。謂之曰。陸忠宣既活國又活人。范文正以良相等良醫。古人立身朝廷。尤注意於醫學。愧余寄跡天地間。未能以古人自期。茲余家微寒。不能令汝肄業學校。以文學報國。惟求活人之良醫。期汝于成。特以醫學關係人類生命。爲之訪求名師。有業師謝滙東先生醫精中西。當在漢口開設滙東中西醫院時。余年十七。得姜黃二先生之介紹。列入謝師之門。承令以神農本草經。黃帝內經。越人難經。張仲景傷寒金匱等書。爲研究醫學之主體。傍參千金外臺。金元四大家。清之喻嘉言、陳修園、葉天士、柯韻伯、吳鞠通、黃坤載、王孟英、吳儀洛、唐容川、汪昂等諸先賢之醫學。及西

醫學理。如生理、病理、解剖、藥物、處方、調劑等學。加意研究。力求治療之精確。在侍從數年中。以歷年研究醫學之心得。並于助理診務所得之經驗。在原籍及襄陽樊城湖南長沙等地應診。有十年之久。對於內科、外科、婦科、小兒科、以及花柳等科。多收奇效。雖未遂家嚴作良醫之願望。幸得隨時效法謝師改進國醫之步趨。乃于暇時將歷年臨證之經驗。與夫考古之心得。筆之於書。顏曰中國醫學叢談。付諸梓人。就正于海內明賢焉。

中華民國二十二年元月

漢陽趙起超序于湖南長沙旅次

中國醫學叢談胡序

趙君起超。名明增。醫之行。以字不以名。故名反爲字掩。而君於著述自署。輒字而不名。故君之名。舍親戚故舊外。鮮有知之者。蔡鎮趙氏爲晴川望族。代有聞人。而以醫學名世者。則自君始。君於醫學。極深研究。民國四年。琴如主辦培根高等小學堂於漢市。兼授中醫學課。君日讀經史。夜攻醫學。寒暑如斯。孳孳不倦。迨後因友主宰陝政。琴如前往襄理一切。遂與君別。而君亦不輟。繼入漢川余渭之、鍾祥黃稷丞、京山鄒萍垓、沔陽李蔚章、江陵鄭顯庭、西蜀羅猷徵、隨縣李東明、竟陵謝滙東諸先生之門。以求醫學之滙通。旣而聞君在襄陽樊城長沙等地應診。每收奇效。甚爲當地人士歡欣。而君亦於

應診之暇。編纂中國醫學叢談。內分內外婦兒及花柳等科。言簡意賅。而無支離疑似之語。稿藏不現。出恐爲無智者詬侮。琴如渭之等。閱不忍釋。勸其速付剞劂。以法後世。聞君編述之書。尙有臨床疾病自療法。及脈法藥方集解等書。甚望其早日殺青也。是爲序。

中華民國二十二年元月

同學兄胡琴如芹香氏序

517
007

中國醫學叢談目次

自序.....趙起超

胡序.....胡琴如

談中國醫學之沿革及其原理

談臨床診病法

(一)望診法

(甲)望鼻色(乙)望脣口之色(丙)望兩耳之色(丁)望兩目之色(戊)望舌色及苔

(二)聞診法

(三)問診法

(甲)問上部之疾病(乙)問中部之疾病(丙)問下部之疾病

中國醫學叢談目次

1389

(四) 切診法

談處方之法

- (一) 補劑之方 (二) 瀉劑之方 (三) 宣劑之方 (四) 通劑之方 (五) 輕劑之方 (六) 重劑之方
(七) 滑劑之方 (八) 瀉劑之方 (九) 燥劑之方 (十) 濕劑之方 (十一) 寒劑之方 (十二) 熱劑之方

談內科簡要之疾病法

- (一) 傷寒 (二) 溫病 (三) 霍亂 (四) 瘧病 (五) 咳嗽病 (六) 痢病 (七) 痘病 (八) 三消病 (九) 疝
氣病 (十) 虛癆病 (十一) 遺精病 (十二) 腹痛病 (十三) 咽喉病 (十四) 健忘病 (十五) 積聚病
(十六) 心病

談外科簡要之疾病法

(一)癰疽(二)疔瘡(三)丹毒(四)諸瘡病(五)癭瘤與瘰癧(六)腫瘍(七)小兒瘡瘍(八)婦人乳陰病

談婦科簡要之疾病法

(一)月經病(二)崩漏病(三)帶下病(四)陰戶病(五)妊娠病(六)臨產(七)產後(八)女人不孕及能孕法

談兒科簡要之疾病法

(一)初生病(二)痘症(三)疳症(四)小兒雜病

談花柳病(附豫防法及淋病梅毒疳等病治療法)

(甲)淋病(乙)梅毒(丙)下疳(丁)硬軟下疳之區別點表

談花柳病國藥效驗方

中國醫學叢談目次

四

(一)治淋病方(二)治梅毒方(三)治下疳方

附臨床治驗醫案

治溼熱頭痛案

治中暑腹瀉案

治伏暑子痢案

治鶴膝風症案

治濕溫症案

治小產症案

治秋燥痢症案

治太陽傷寒案

治風中血脈案

治濕瘡症案

編者誌言

編者又誌

談中國醫學之沿革及其原理

稽古神農。生當洪荒。草昧初開。是時洪水泛濫。鳥跡獸蹄。混雜其中。釀成不正之穢氣。佈滿于空際者。已可想見。惟此空際不正之穢氣。人處其中。若不知自慎。勢必感觸人體。發生疾病。故神農由草昧漸進于文化。爲之嘗百草。而有本草經之作。迨黃帝出而撫有天下也。繼神農氏解除人民疾苦。于是仰觀俯察。近視遠取。發明人物天地共同生之理。並知天地有不定之陰陽晦明。人生有莫測之疾病天傷。乃與羣臣若歧伯、雷公、少師、伯高、仲文、少俞之壽。互相問答。研究天地之生成。氣運之往復。品物之生殺。人生之壽夭。因之詳論人體、形狀、臟腑、經絡、與夫病情之治法。而作內經。於是我國

上世之醫學以傳。考內經所詳人之外而形體。內而臟腑。與夫經脈氣血。條分縷晰。象同天地之日月星辰江淮河漢。惟是有諸內。而後形諸外。故診查人體疾病。可以先從顏面考察臟腑交互之作用。並與氣血生化之本源。而後定人生之壽夭。是以人生壽夭。端賴乎氣血。須知人體生化氣血。實發源於飲食物質。蓋飲食物質。由口入胃。變化液汁。上入心臟生血。下入腎臟生氣。是以氣血之生化。雖發生于心臟。然其所以化生。實根于脾胃。內經謂脾主化穀。以脾能轉運脾氣。入胃助其消化。故內經又謂脾胃爲水穀之海。是以水穀生化氣血。其消化之力。全在脾胃矣。就氣血分別主宰而言之。內經謂衝任督三脈之源。起于胞宮。分走胸腹脊背。且以血生于心。藏于肝。統于脾。主之以衝任二脈。氣生于腎。主于肺。司之以督脈。是分主氣血者。

。又統轄乎衝任督三脈。惟胞宮上連腎系。腎系卽命門。命門又爲腎系之根。心血腎氣會合于胞宮。合化而爲腎精。腎精充足。能由胞宮上至於命門。達于脊內。化爲脊髓。由脊髓上注于腦。化爲腦髓。內經謂腦爲髓海。以骨髓與脊髓均上注于腦。而爲腦髓。是人生以腦髓爲主。若髓海之精充足。自然脊骨與百骸得以充分强健矣。內經旣以腎精充足。爲腎氣旺。又以腎氣與心臟同稱爲少陰者。以腎氣循心生之脈。上與心血交合。化爲心神。心神卽腎中眞陽。眞陽上交於心。而爲心火。心火引血液下注于胞宮。與腎氣化合。而爲腎精。故心氣旺。卽爲神強。腎氣旺。卽爲精足。是人之精神充足。根于心腎交濟。心腎交濟。亦根乎氣血豐盈。氣血豐盈。由於脾胃健運。此五臟六腑。同具生化氣血。完成一健全人體矣。然臟腑中之脾胃。本爲生化

氣血之源。其所運行氣血之路。實出於經脈焉。

考人體之有經脈。猶之水行地中。不舍晝夜。內經詳分十二經、十五絡、與夫奇經八脈。以運行氣血。蓋以氣卽營衛。故內經謂營行脈中。衛行脈外是也。惟是衛氣營血。內行於臟腑。外達於肌膚。氣血充盈於肌膚。則可以在外制止六淫之邪侵入。氣血充盈於臟腑。則又能制止七情等病之發生。可見人體疾病。惟內傷外感兩種見症。可以賅之。然內傷外感兩種疾病發生。無不由氣血之虛。故臨證時診察疾病。當卽外感內傷中。分別邪正之虛實。古人分別虛實之法。謂虛爲正虛。實爲實邪。至於治病。邪實則先祛邪。正虛卽事補正。補正之法。重在有胃氣。殆以注重胃氣。卽爲培養氣血生化之根本。是內經一書。重在垂教後人顧及氣血。顧及氣血。卽所以顧脾胃。故後世學者。

以內經爲醫學之基礎矣。迨後周時扁鵲復本內經之旨。而作難經。考難經通篇大旨。亦在側重氣血。乃于篇首發明衛氣營血之流行。卽示人考察疾病原因。而定切診之法。並於切診中分三部九候以明吉凶。而決生死。爲後世脈學之正宗。若夫湯液之法。傳自商代伊尹之作湯液經。據湯液經之法。不越乎內經七方之規矩。後人本其法。以處方劑。及至後漢張仲景氏出。亦根據本草經內難湯液等經。集醫學之大成。而作傷寒論。詳辨脈象、證狀、治法。雖病症傳變萬端。無不立奏奇效。至於仲景所立之汗吐下三法。而溫補清等法。亦寓于汗吐下三法之中。據其所分脈證治法。無不按照所作傷寒論分定六經。仲景分定六經。爰藉以考察疾病之表、裏、寒、熱、虛、實。而施以汗、吐、下、溫、補、清、治法矣。如病在表者。當解之以汗。應以汗解

之病。因外感風寒。邪乘之爲病。症見頭項強痛。發熱惡寒者爲病在太陽。主以麻黃桂枝大小青龍等湯。辛溫之劑。以發散之。病在裏者。當解之以下法。應以下解之病。因週身大熱。陰液灼傷。證象但發熱而不惡寒。大便燥結。爲病在陽明。法宜用大小承氣等湯。苦寒之劑。以下解之。若煩渴無燥結等症者。則宜用白虎等湯。病在少陽主以和解之法。應從和解者。病見往來寒熱。口苦、咽乾、目眩、胸脇苦滿者。宜用大小柴胡等湯。以和解之。其餘病在三陰。以三陰之法治之。按傷寒論詳陰症得陽脈者生。陽症得陰脈者死。蓋以陽氣卽生氣。陰氣卽殺氣。人生以陽爲主。人體疾病而得陽脈。雖見陰症。以陽能勝陰故主生。然正氣虛弱之人。宜見陰脈。若偏見陽症者。乃屬眞虛假實。虛陽外浮。而亦主死。可見辨證之法。又專憑乎脈矣。操